

SESIÓN EXTRAORDINARIA CELEBRADA POLO PLENO DO CONCELLOO DÍA 13 / XUÑO / 1.997S U M A R I O

ASUNTO UNICO: ESCRITO DO GRUPO MUNICIPAL DO PSDEG-PSOE, EN SOLICITUDE ADOPCIÓN DO SEGUINTE ACORDO: A CORPORACION MUNICIPAL DE REDONDELA, EXPRESA A SÚA PROTESTA POLOS FEITOS ACAECIDOS NOS XULGADOS DE VIGO O VENRES TRINTA DE MAIO, ANTE O DELEGADO DO GOBERNO EN GALICIA, O MESMO TEMPO QUE NOS SOLIDARIZAMOS CON GABRIEL SANCHEZ IBARRA "PIBE".

Na Sala de Sesións do Concello de Redondela, ás vinte trinta horas do día trece de Xuño de mil novecentos noventa e sete, baixo a Presidencia do Iltmo. Sr. Alcalde, D. AMADO RICON VIRULEGIO e a asistencia dos Sres./as Concelleiros/as: D. MANUEL ALONSO LEMOS, D^a. M^a DEL CARMEN BASTOS RODRIGUEZ, D. JOSE BLANCO PUGA, D^a. FRANCISCA CANAL GOMEZ, D. JAIME DARRIBA VILAS, D. GUMERSINDO FERNANDEZ MENDEZ, D. EMILIO GONZALEZ IGLESIAS, D. XOSE LUIS GRANDE GRANDE, D. MANUEL IGLESIAS CARRERA, D. LUIS ALBERTO MIGUEZ DOCAMPO, D. LUIS ALBERTO ORGE MIGUEZ, D. XOSE CARLOS PAZOS DOCAMPO, D^a. CECILIA PEREZ ORGE, D. MANUEL PIÑEIRO COSTAS, D. FRANCISCO PUCH CASAL, D. XAIME REI BARREIRO, D. LUIS RODRIGUEZ VILARCHAN, D. JOSE MANUEL SOTO VIRULEGIO, e D^a. JOSEFA VILLAVERTDE RODRIGUEZ, actuando como Secretario o da Corporación D. LUIS TORRADO VAZQUEZ, constitúese o Pleno do Iltmo. Concello, en sesión extraordinaria, correspondente ó día da data, conforme á convocatoria e de acordo coa Orde do Día remesada a tódolos Sres./as Concelleiros/as, coa antelación legalmente requerida.

Non asistiu o SR. TORNERO LOPEZ.

A Presidencia declara aberta a sesión en primeira convocatoria, procedéndose a trata-lo único punto da Orde do Día.

ASUNTO ÚNICO.- ESCRITO DO GRUPO MUNICIPAL DO PSDEG-PSOE, EN SOLICITUDE ADOPCIÓN DO SEGUINTE ACORDO: A CORPORACION MUNICIPAL DE REDONDELA, EXPRESA A SÚA PROTESTA POLOS FEITOS ACAECIDOS NOS XULGADOS DE VIGO O VENRES TRINTA DE MAIO, ANTE O DELEGADO DO GOBERNO EN GALICIA, O MESMO TEMPO QUE NOS SOLIDARIZAMOS CON GABRIEL SANCHEZ IBARRA "PIBE".-

Pola Presidencia dase conta de Moción do Grupo Municipal do PSdeG-PSOE deste Concello de data 31 de Maio de 1997, que transcrita dí:

"Ante os acontecementos acaecidos nos Xulgados de Vigo con motivo do xuízo contra do insubmiso Redondelán e exconcelleiro deste Concello, D. Gabriel Sánchez Ibarra "Pibe", nos que as forzas de orde público actuaron con excesiva contundencia,

SOLICITAMOS, un Pleno extraordinario no que se aprobe o seguinte acordo:

A Corporación Municipal de Redondela, expresa a súa protesta polos feitos acaecidos nos Xulgados de Vigo o venres trinta de maio, ante o Delegado do Goberno en Galicia, o mesmo tempo que nos solidarizamos con Gabriel Sánchez Ibarra "Pibe".

Pola Presidencia ábrese o correspondente turno de intervencións.

- Concedida a palabra pola Presidencia ó Concelleiro **SR. GONZALEZ IGLESIAS**, por este sinálase que pensaba que non se ía a convocar este Pleno extraordinario como ocorreu con outras solicitudes de plenos extraordinarios, formuladas polo PSdeG-PSOE, xa que as sinaturas son tan ilexibles como as desas outras Mocións pedindo plenos extraordinarios. Pero nos equivocamos, e consideramos que a pesar da convocatoria deste Pleno extraordinario a mesma perde a súa eficacia pola tardanza dende a súa solicitude ata a data da convocatoria.

Continúa a súa intervención o citado Sr. Concelleiro indicando que temas como o de Povisa, o asunto de Vilaboa, etc., se suceden. En ocasións se indica que a veces a Policía extralimítase, pero en realidade nesas situacións ó marxe hai responsables políticos como o Gobernador Civil e así mesmo o Delegado do Goberno en Galicia Sr. Diz Guedes, este último preocupado por protexer actos do PP e porque non deben te-la conciencia moi tranquila, aludindo por outro lado a que a petición da Moción fíxose con suavidade coa intención de que poidesen sumarse á mesma tódolos Concelleiros, e que o día 30 en que tivo lugar a carga policial, o goberno municipal de Redondela atopábase desaparecido.

Remata a súa intervención o citado Sr. Concelleiro sinalando que tardaron tempo en convocalo pleno solicitado por este grupo político, xa que parece que querían presentar outra proposta de acordo, e que supón que non o farán agora para que poidan saír decentemente deste Pleno.

- Concedida a palabra pola Presidencia ó Concelleiro **SR. ALONSO LEMOS**, por este móstrase de acordo co solicitado polo PSdeG-PSOE na súa Moción de Pleno extraordinario.

- Concedida a palabra pola Presidencia ó Concelleiro **SR. PAZOS DOCAMPO**, por este sinálase que o BNG presentou unha Moción en solicitude de Pleno extraordinario referente ó asunto obxecto

deste Pleno, que parece que non se tomou en consideración pola falta de sinaturas. Pero sinala o citado Sr. Concelleiro que hai que leer o Regulamento e saber interpretalo, considerando que é unha falta de tacto o non incluír no expediente a citada Moción do BNG.

Continúa a súa intervención o citado Sr. Concelleiro sinalando que a represión policial que tivo lugar en Vigo o pasado día 30, non é unha situación casual transportándonos a épocas xa fenecidas, e coida que quen manda na Policía é o Sr. Fraga, dudando por outro lado do talante democrático do Sr. Diz Guedes.

Na súa intervención o Concelleiro do BNG Sr. Pazos Docampo sinala que o seu Grupo Político está en contra dos actos democráticos que se pretenden prohibir pola Policía, considerando que esa actuación policial dimana da responsabilidade política do Delegado do Goberno Sr. Diz Guedes e do Sr. Fraga ó que califica de fascista, e pide que o PP se manifeste neste asunto.

Remata a súa intervención interesando que o contido da súa Moción se engada á solicitude formulada polo PSdeG-PSOE na súa Moción presentada polo citado Grupo Político, e que é do seguinte tenor:

"1.- Condenar a actuación violenta e irresponsable da policía, contra as e os asistentes ó xuízo a Gabriel Sánchez Ibarra.

2.- Facer chegar ó Ministro do Interior, a protesta do Concello de Redondela pola violenta actuación da policía contra os e as asistentes ó xuízo a Gabriel Sánchez Ibarra, polo que supón de ataque ós dereitos democráticos."

- Concedida a palabra pola Presidencia ó Concelleiro **SR. SOTO VIRULEGIO**, por este maniféstase que o seu Grupo Político só van a apoiar exclusivamente a Moción do PSdeG-PSOE.

- Concedida a palabra pola Presidencia ó Concelleiro **SR. GONZALEZ IGLESIAS**, por este maniféstase que non ten inconveniente en asumilo contido da Moción do BNG sobre este asunto, e que se engada como enmenda á Moción do PSdeG-PSOE.

- Concedida a palabra pola Presidencia ó Concelleiro **SR. ALONSO LEMOS**, por este sinálase que asume que como enmenda o contido da Moción do BNG se engada á proposta formulada polo PSdeG-PSOE na súa Moción solicitando este Pleno extraordinario.

- Concedida a palabra pola Presidencia ó Concelleiro **SR. PUCH CASAL**, por este maniféstase en idéntico sentido que o

anterior Sr. Concelleiro.

Non habendo unanimidade de criterios, pola Presidencia sométese a votación, o interesado polo Concelleiro Sr. Pazos Docampo no senso de que o contido da Moción do BNG se engada como unha enmenda ó contido da Moción do PSdeG-PSOE, obxecto deste Pleno extraordinario.


Efectuada esta, obtivo o seguinte resultado: Votan en contra da enmenda citada, os Sres./as Concelleiros/as do PP (8); votan a favor da citada enmenda, os Sres./as Concelleiros/as do PSdeG-PSOE (6), os Sres./as Concelleiros/as do BNG (3), os Sres. Concelleiros do Grupo Mixto (2), e o Concelleiro Sr. Piñeiro Costas. Na súa consecuencia resultou aprobada a Enmenda interesada polo Concelleiro do BNG Sr. Pazos Docampo e incorporada á proposta de acordo solicitada polo PSdeG-PSOE na súa Moción.

Non habendo unanimidade de criterios, pola Presidencia sométese a votación a Moción do PSdeG-PSOE sobre este asunto, co engadido solicitado polo BNG referente a este asunto.

Efectuada esta, obtivo o seguinte resultado: Votan en contra, os Sres./as Concelleiros/as do PP (8). Votan a favor os Sres./as Concelleiros/as do PSdeG-PSOE (6), os Sres./as Concelleiros/as do BNG (3), os Sres. Concelleiros do Grupo Mixto (2), e o Concelleiro Sr. Piñeiro Costas. Na súa consecuencia resultou aprobada a Moción do Grupo Municipal do PSdeG-PSOE transcrita, co engadido solicitado polo BNG referente a este asunto.-

E, non sendo outro o obxecto desta sesión, pola Presidencia levántase a mesma, sendo as vinteunha horas da data fixada no encabezamento, en proba de todo o que, se estende a presente Acta, que se inscribiu no Libro dende a volta do folio 159 do Papel Timbrado da Comunidade Autónoma de Galicia, Serie A nº 0361402, ata a volta do folio 161, Serie A nº 0361404, a volta do folio 159 esta repetida no 160 por erro involuntario, de todo o que, como Secretario, DOU FE.-

O ALCALDE



AMADO RICON VIRULEGIO

O SECRETARIO

LUIS TORRADO VAZQUEZ